

# INUIT ATAQATIGIIT

## Inatsisartuni



4. januar 2019

Inatsisartut Suleriaasianni § 37 imm. 1 naapertorlugu Naalackersuisunut apeqquiti imaattut matumuuna saqqummiuppakka.

### Naalackersuisunut apeqquiti:

1. Naalackersuisut nakorsassaaleqineq, peqqissaasunillu amigaateqarneq aaqqiiviginiarlugu nuna tamakkerlugu nunallu immikkoortuini qanoq pilersaaruteqarpat?
2. Maanna nuna tamakkerlugu piffinilu suni nakorsanik qassinik amigaateqartoqarpa?
3. Piffiit suut aalaakaasunik nakorsaqqarpat?
4. Piffiit suut taartaasunik ukiut kingulliit marluk nakorsaqqarpat?
5. Akissarsiatigut arlaannik iliusissanik pilersaaruteqartoqarpa, nakorsat peqqissaasullu eqqarsaatigalugit?
6. Ineqarnikkut pitsanngorsaannissanik pilersaaruteqartoqarpa, illoqarfiit mikinerit eqqarsaatigalugit?
7. Suliaritittussat qassit, kiisalu sukut suliaritittussat utaqqisuutigineqarpat, qanorlu sivilutigisumik utaqqisimappat?
8. Naalackersuisut pilersaaruteqarpat Nuummi suliaritikkiartortut inissaannik, inissat 64-it saniatigut sanaqqinnissaminnik ?
9. Nunatsinni immikkut ilinniarneq soorlu pilaasutut, meeqat nakorsaattut il.il. qanoq akeqarpa?
10. Naalackersuisut allanik paasissutissanik peqarpat qulaani pineqartunut tungassutilinnik ?

(Inatsisartuni ilaasortaq Stine Egede, Inuit Ataqatigiit)

### Tungavilersuut

Naalackersuisut siulittaasuata ukiortaami oqalugiaammuni qulaani pineqartut annertunerusumik samminngilai, naak ajornartorsiut nuna tamakkerlugu annertugaluqisoq.

Illoqarfinni mikinerusuni, pingaartumik avinngarusimasuniittuni, nakorsat aalaakkaasut amigaataaqaat. Taartaasut sivikitsumik nunatsinniittarput, qjarunnartaraluaqisut, ilaatigullu takusarpagut suliasaminnut

tunniusimavallaaratik pissuseqartartut, naak tamarmik taamaanngikkaluit. Ajoraluartumik amerlasoorpassuit kingusinaartarput – inuit apeqqutaasaqaat imminneq oqariartorsinnaanersut, imaluunniit “anngaaginnartuunersut”. Takujuarpagut tusartuarlugillu oqaluttuat; *“imaaliorama aatsaat upperineqarpunga, imannak oqarama aatsaat iliuseqarfigineqarpunga”*.

Ilarpassuagut nakorsijaarsimannginnertik pissutigalugu kingusinaartarput. Tamanna aamma ajuusaarnaqaaq, paasititsiniaanerunissarlu orniginaraluaqaaq. Tamanut iluaqutissartaqarmat.

Taamaattorli inuianguit ikittunnguulluta, tamattalu nakorsiakulasuungikkaluarluta, napparsimmaveqarfimmi sullinneqarnerput aaqqissuulluartaqalersarput. Sulisuvut pikkorissut erligisariaqaratsigit, taakkuusarmatami kinguleruttut aammalu arpalukaarnerusariaqalersartut.

Suliaritinniarlutik utaqqisut imaaginnavipput, tamanna nakorsassaaleqinermik peqquteqarani suliaritikkiartortunut inissaaleqinermik peqquteqartoq ukiarmi paasitinneqarpugut. Taamaattumik inissanik sanasoqarnissaanik pilersaaruteqartoqarnersoq ilanngullugu paaserusuppara.

Apeqqutitta ullut suliffiusut qulit qaangiutsinnagit akineqarnissaat kissaatigaara.